

章

泉

稿



章

泉

稿

趙
蕃
撰

中
華
書
局

叢書集成初編

章 泉 稿

中 華 書 局 出 版 發 行

(北京王府井大街三十六號)

秦 皇 島 市 資 料 印 刷 廠 印 刷

一 九 八 五 年 北 京 新 一 版

開 本：七 八 七 乘 二 〇 九 二 毫 米 三 十 二 分 之 一

統 一 書 號：一 七 〇 一 八 · 一 五 一

章
泉
稿

此 據 聚 珍 版 叢 書
本 排 印 初 編 各 叢
書 僅 有 此 本

章泉稿目錄

卷一

五言古詩七十八首

七言古詩二十九首

卷二

五言律詩二百十六首

五言長律詩十三首

卷三

七言律詩一百首

卷四

五言絕句九首

六言絕句十二首

七言絕句二百十七首

卷五

章泉稿 目錄

記二首

附錄

宋史本傳

劉宰撰墓表

拾遺

方是間居士小墓序

石屏詩集序

章泉稿卷一

宋 趙 蕃 撰

五言古詩

鬱孤臺

合水自汀庾，更時閱漢唐。
鬱孤居聳特，望闕漫更長。
層臺吾家復，壯勢江右望。
舊遊那復省，老至增悲傷。
里巷盛人物，登臨多發揚。
士皆說孫李，必誦蘇與黃。
定惟山水窟，自是仙佛鄉。
扶輿淑氣鍾，寧謂接遐荒。
歷訪愁重跡，再來期裹糧。
懸知耳目接，故與閒聽詳。

發溧陽

久客問歸津，如鳥脫網羅。
日夜數去程，未遑卸其他。
殷勤謝故人，送我山之阿。
舟轉岸亦移，青林隔坡陀。
弋陽道中

弋陽陸行

霜風不成霜，雨雲復爲雨。
溪山誰舊遊，草樹得新趣。
篷窗遞明暗，客枕隨仰俯。
老子政哦詩，諸兒貪賦芋。
細雨濕籃輿，渺渺穿翠楚。
林園知秋近，已作西風語。
昨朝汗浹背，今晨冷侵脅。
感慨悟乘除，人生幾寒暑。
八月十二日發潮

來猶念衾綢。去已謝絺綌。浮生幾寒暑。大半是行役。長安冠蓋地。難著山林客。雖云住連月。歸夢無廢夕。扁舟落吾手。舊路漸可識。迎潮初蕩槳。晚日旋挂席。如魚離羅網。如馬脫羈繫。回首釣臺高。清風明可揖。枕傍有杜集。看其行役諸詩。有感復書。

既將取詩名。先應歷詩窮。不見杜陵老。飄轉一生中。世學汝不嗜。而顧思此工。豈惟人汝惜。造物且見攻。無須歎苦絕。飢倒與囊空。

除夕古體三十韻

疾風鑿夜灘。古木撼古壁。漁火暗復張。隔江哭聲接。哀哀或到明。語細雜鳴咽。我舟若孤鳧。欲去意轉繫。終宵炯不眠。殘釭照孤泣。舟人吁且言。今夕乃除夕。官何自苦甚。兀此六尺簣。城中知舊多。市上燈火集。朱門酒盈樽。高會馬喧轡。一飲滌千愁。共送殘景急。低頭更堪傷。正此坐鍼席。去年臘盡時。家寓金沙磧。身雖隔劍棧。母在猶戚戚。賦風吼西隅。百日走荆棘。一鳴嬰胸羅。轉翅千刀偪。母憂兒不歸。兒歸母已歿。沒身無以報。天地終罔極。永懷荼苦心。況復對節物。今將萬里歸。機會不可失。丹旆倚江村。百里莫相即。弱弟奉齋燈。孤友想在側。夜夜夢慈容。枕淚迸膈臆。死者遙相望。未得就真宅。故山春事動。展敬遍邱域。松欵挂紙灰。陰苦藉芳冽。那知藁殯寒。古佛伴蕭瑟。魂魄無不之。吳蜀雲萬疊。國步尙憂危。家難更堪說。江湖多紅巾。鄉關斷消息。曼聲一長哀。山石爲我裂。

爲施衢州作超覽堂詩三首

浙西水平遠，浙東山偃蹇。使君是中人，曾次極收卷。崢舟固佳處，超覽更勝踐。智匠一何深，天藏一何淺。爲州古云樂，今蓋異昔時。看公振規模，於古端似之。乃知用有餘，如體運四肢。苟能盡此道，天下何難治。我評信安士，無若捧檄孫。政如賣卜嚴，勢屈蜀郡尊。堂成爲公記，賓主不在言。更有夢得句，真成壓璵璠。

宿玉觀次斯遠韻

觀去錦山五里

吾曹骯髒姿，共此高深趣。要休車馬罷，豈爲僊佛駐。紅藥照階除，翠竹森庭戶。今夕且幽期，明朝尙征屨。

題蔣伯玉作白玉山創亭於廡舍之後，榜曰望雲，思其親也。因賦十韻。

蔣侯家荆溪，曾次飽空闊。一官寄楚尾，常病登眺窄。有酒無地把，況助詩句活。規模作危亭，更爲思親設。安車幾時來，歷覽吳興越。俸廩雖云薄，采菽水可啜。我實通家子，此意敢自別。願同竹馬兒，就彼上壽列。豈惟一門事，獷俗坐可革。長使是邦人，指亭記所芟。

同陳嚴倪三君飯聽琴于延真觀，嚴置酒要余至其家，倪陳與焉。酒未竟而使客至，余亟引去。明日作此。

聽琴訪黃冠，置酒煩好事。邀我過其廬，二子相與至。開囊出書畫，黃李可人意。蕙梅妙疑神，舊識子揚子。水仙初破顏，綈袂亦啓齒。婆娑哦其間，二子俱徙倚。杯行略數計，共約到壘恥。忽聞鼓連村，絡繹催我起。有愧謠浩然，業飲故恤是。

和答斯遠因梅見屬三首

梅時寄我詩。梅月方能至。迢迢隔三湘。莽莽非一水。褰裳欲從之。浩蕩正如此。窮居君勿厭。窮途我何之。初心欲求免。卒志還累飢。滔滔果何向。命也將奚爲。君行過海門。唯復仍舊里。友朋不易得。相與況能爾。獨念吾家姪。無由從夫子。

十一月二十三夜。通夕不寐。爲賦梅詩。且懷斯遠。成父兄弟及五首而曉。書呈在伯。

年年賦梅詩。不賦如有闕。於梅亦何事。我好自渠結。昔人思故人。往往託風月。我今故人思。因梅念高節。我欲賦梅詩。詩故未易作。勁質攘冰霜。高情傲邱壑。褒如應時清。殿若羞世濁。陰伏陽乃升。此物方濯濯。我欲賦梅詩。佳處不自呈。老樹賞空曠。長條貴疎明。旣如幽人幽。又似貞女貞。可聞不可見。可見不可名。婆婆風月隅。窈窕溪山宅。林園故幽幽。鷗鷺空脉脉。雖云有逢迎。未易相主客。桃李自成蹊。歲寒知松柏。名園多攀折。野樹多零落。零落夫何恨。攀折適爲虐。山居老莓苔。竹徑無鎖鑰。何當歸去來。有弟同斟酌。

在伯沅陵俱和前詩復次韻五首

暇能頻相過。間或終歲闕。寧將數疏論。自有綢繆結。高山與流水。清風及朗月。花且事深期。人能廢明節。梅兮何等花。意似幽人作。芳不待三熏。勝白專一壑。屈原語醉醒。孺子歌清濁。醉如糟可餽。清亦足可濯。班左昔成書。幽祕或未呈。孟堅得師古。征南傳丘明。維昔西湖花。人孰知其真。自非處士句。世亦安得名。愛山驢倒騎。愛竹種借宅。是能寓吾神。夫豈有斷脉。平生江南春。老去荊州客。生徒歎飄萍。死乃悲墓柏。一君思飄飄。獨我意落落。博乎猶賢已。諠兮不爲虐。是中有關鍵。未易輕啓鑰。至味匪鹽梅。舍古復奚酌。

對月

平生喜臨風。今夕愁對月。月好若愁看。寒苦侵肌切。豈無一短褐。自不生暖熱。想像水棲禽。凍羽難拍拍。聞春

我居田野間。糴米如賃傭。晴天得灑暴。雨日還燎烘。晝役薪水事。故嘗多夜舂。籩之有餘穀。再以餅罍充。時時付手碓。玉粒勝腐紅。三年食官倉。塵土填腹胸。歸乃值歲歉。半菽了不供。餬口於四方。指困其誰逢。啼號暫遠耳。夢寐深有攻。宦游竟何得。不如學爲農。水旱縱莫逃。赫袞年會豐。因聞村舂聲。竟曉成噉咽。訪梅仙宅

山林豈真遜。江海詎忘君。乘傳旣良已。變名誠有云。遺風故凜凜。異教莫紛紛。尙有十年臭。千年寧廢薰。蓬蒿暗成徑。樹林深擁門。人言舊宅是。亂絕古碑存。渺渺烟霞趣。蕭蕭風雨昏。何從覓遺蛻。但可賦招魂。同見可過書院

遠山未釋雲。近山復垂雨。清風颯然下。吹落何處所。雖爲湘中客。湘西不屢來。晨舟冒雨過。晚櫂乘風迴。看山亦何有。要落漁樵叟。我雖甚愛之。可暫不可久。吾弟之於晝。消搖殆能事。好作渡湘圖。他時寄離思。次韻斯遠同過智門茂草之中。獨剪春羅花炯然。

山客城市役。故人難黍情。懷我舊隱地。偕爲蕭寺行。草茂旣已合。花孤遂能明。看渠色爾正。寧使城爲傾。君詩如蘇州。真足繼善鳴。我乃媿野格。從教晒薄輕。

謝文顯老丈見過

茅簷冷如水，落葉堆不埽。林深日上遲，近午猶未冒。忽聞啁鴉聲，盤輿遠來造。兒言此何客，貌古玉色肖。心知定夫子，躑躅仍著帽。我居甚荒僻，好客鮮能到。自非金石交，性不移濕燥。誰能忘崎嶇，於此修夙好。貧家雞黍窄，菜甲僅可芼。屬君又止酒，何以相慰勞。寒窗數日款，但有相教導。我姿雖不敏，敢不期勉蹈。滔滔流俗中，往往皆媚竈。看君閉戶志，有力甚於募。衣單食不足，恥以飢寒號。曰：吾道當然，尚有古人操。我雖因事歸，未免斗食耗。而君辱與遊，何殊渭衡潦。窮年語未卒，適以將歸告。半百顧非遙，驅羸行往報。呈嚴造道主簿。

漫刺不待投，數面自成親。對言或無味，況乃詩筭新。佳處在阿堵，小異果此君。我行蕭灘上，所識楊與陳。百藥及壽玉，磊落俱可珍。今又見夫子，此邦何多人。一官二十年，須髮頗費耘。得非坐詩故，造物生怒噴。如我亦復然，此理又奚云。一見互興歎，啁濡胡足仁。湖邊雨新足，荷背白勝銀。是中可以思，何當並車巾。過曾相士所居因題

因送客過六叔

見君每塵中，訪君每塵外。茅湯煮仙方，茗椀出新焙。溪亭不難作，軒樹茅爲蓋。面識欲何如，臨流烏桕背。荷衣綠破碎，稻實亂撐拄。秋悲空多風，雲重乃不雨。黃花已成昨，白酒真謾舉。小作笑談期，暫紆迎送苦。雨過壽岡先生

煩濁不能勝。自知爲雨候。俄然落疎疎。頗恨殊不驟。款門執戟家。竹樹密以覆。書幃與書帙。晚靜乃移晷。人高固莫企。境淨不受垢。飄零歲時隔。解后頃刻叩。明當復告別。使我心如疚。何以壽先生。歲晚松柏茂。

徐密知置酒會者三人以爲此春酒以介眉壽分韻作詩蕃得介眉字二首

紛紛春來華。渺渺動行邁。浮川向吳會。走陸轉江介。酒勤三醵爵。禮重百其拜。旣慰推遷悲。亦勞驅馳賅。餓死因細腰。半額絲廣眉。是知風化速。有類形影移。時人走功名。我輩陳書詩。雖病勿是疚。雖貧勿自悲。旣過曾居。因訪劉茂實秀才。是日明叔同出。恨仲威不至。

官身肯聽俗。人事直強親。開窗對修竹。筆墨得其陳。俗子有時來。揮去防怒瞋。相看久不厭。陳子清且真。昨宵一雨餘。村村農事新。我亦思駕言。出門免衝塵。是邦亦有園。以鳥視其人。寧從窮巷居。鷄犬喧四鄰。劉君方授徒。曾君說人倫。室屋不尋丈。猗猗幾長身。未嫌酒杯薄。政愛茗椀醺。曾君索我詩。出語愧逡巡。煩君隸書題。筆意堪嗣秦。春遊有如此。省費能全神。但恨子胡子。招要不能頻。

送莫萬安

西江十一州。我所歷者半。紛紛墨綬徒。十有九頑懦。使者金閨彥。謂運使趙公子直用意人物中。見我輒詢我。稱首不數公。我時官白下。與公未相識。何以知其然。雞犬相接迹。無何困流轉。卒歲下風趨。看其日所爲。自喜言不誣。人皆竭民脂。我獨求民瘼。上官雖暗鳴。民氣得和樂。體用夫何如。動靜惟以誠。夫豈今人歟。古人斯與并。朝廷重縣令。不減用儒盛。六察與郎官。遷除匪它徑。公行始發軔。九萬當自茲。侍從近臣間。況

復多已知。

送交代吳共叔師禮

往君在太學，有類如何蕃。仁義積諸身，諸生知所尊。今君爲主簿，又類習鑿齒。不但荊州士，四海名未已。誰云斗水渾，可養橫海鱣。澗壑雖阻深，松檜能參天。羣公頃爭薦，亦旣陞初秩。似君許人物，豈計一階級。聖朝開文館，政爲時育才。似君此風骨，咫尺斯蓬萊。而我獨何者，瓦礫偶居後。縱加刻畫工，未抹無鹽醜。古人重交契，今人顧不然。願君保金石，勿爲燥濕遷。飲君一卮酒，屬君千萬壽。更欲挽君紅，江頭已無柳。

送沈沅陵

世官古所譏，世祿今不廢。要之苟有人，二者非苦背。君祖我曾祖，紹聖同廷對。素風我莫嗣，清德君可輩。江湖渺聞名，荆蠻適親誨。忘年君固美，並行我終悔。許以相唱酬，何止聞警效。君行竟先我，後會何時再。江花與江草，頗恨遠目礙。君於門戶責，有似松柏耐。而我詩書樂，政爾羞同隊。臨分曷告我，苦語幸勿愛。我亦安贈君，結蘭以爲佩。庶幾二祖風，歲久端如在。

與叔曠父子別後悵然懷之三首

君家若雪間，吳楚夢莫續。茲行得所未到處，須著目。平生胷中奇，於此不容縮。江山雖云生，詩句何妨熟。遠齋老於文，立語便造極。爲我記竹隱，深意遺筆墨。向來說山林，俗眼多見白。是公不吾呵，可謂計之得。客山得君來，念我忘偏仄。君行竟先我，未免爲此別。自憐性多忤，每負朋友責。如何君父子，相與獨無嫌。

子肅示九日山谷間懷兄弟三詩。因懷子進子儀次韻。併呈子肅。子進客常未歸。子肅子儀在懷玉山中。故及之。子肅昆仲出示游懷玉山詩。善不同行。無緣屬和。謹成古詩。少見嗟嘆之意。聞儼上人方集山中。故事當併授之。

我爲懷玉人。不踏懷玉路。非因訪山懶。自畏觸嶮去。聞君兄弟往。勇決不少顧。念將攝衣從。欲行卻回慮。人云山峯高。白日蔽烟霧。況方迫窮冬。我褐猶未具。雖欣陟幽遐。政恐成疾痼。以茲不暇遊。心與飛雲遡。君還得新作。快讀喜莫喻。上言道傍過。次及巖下趣。恨無龍眠手。按此據毫素。昔君家與公。曾爲海山賦。至今斯文名。殆將壓彪固。淒涼禪月蹤。牢落高人住。得君爲著眼。草木應亦豫。好事儼上人。方集山中故。併當收君詩。在在神物護。

子進游懷玉山。度必有詩。未辱寄來。作詩索之。

秋日清且美。於游也固宜。迨今冬已仲。瑾戶惟其時。若人與公家。嗜好夙有師。幾譚巖壑間。塵落不自知。靡辭陟降難。顧病風露披。舊聞懷玉山。地置多側危。我爲是邦人。每恨著腳遲。聞公勇決往。身住心俱馳。是邦有茲山。蓋已千祀垂。曩者尹夫子。謂少稷名瞻攜家隱于斯。與山結勝因。詩成多及之。去年公二仲。探討曾至茲。今公又繼云。祕密真無遺。山名謂懷玉。自昔傳我疑。衆作乃圭璧。名實信不欺。書來報行程。快讀祇欠詩。春膏有餘否。公自造之紙佳筆銳若錐。會當寫真行。寄我光茅茨。

有感

食肉固可鄙。枯腸合搜詩。旁觀聽平亭。蔬筍同阿師。涉春擬辦多。才盡不自支。賀也能苦吟。玠體憂素羸。看花輒有感。袖手增愁思。

枕上有感二首

霜月有餘照。風燈無停光。客夢一何短。鄉關一何長。拊身念艱虞。失足增傍徨。平明攬清鏡。鬢髮應成蒼。我欲學爲農。力耕不逢歲。我欲學爲士。儒冠多餓死。誓將棄犂鋤。亦復罷書史。長隨馬少游。浮湛自閭里。

感懷五首

新霜迫人寒。落葉無停枝。長夜不得旦。四壁崩莫維。牀根蟋蟀親。幽怨如陳辭。感我平生心。搔頭半成絲。木落無著葉。枯林多悲號。飢鳥不得食。拾樵護遺巢。居人寧知悲。客子中心焦。故里一回首。山高水迢迢。多病成早衰。憂苦相與并。嗜書不自知。欲視忘其盲。平生金石交。夜窗短燈檠。幽焰吐復滅。花寒終不榮。短褐不禦寒。哀哉不言貧。遠客自多感。況此霜露晨。惋彼離下菊。粲粲晚始新。餘榮何足恃。枯槁同荆榛。我生天地間。亦是天地民。造化苦見欺。輕薄隨時人。抱道鄙富貴。徇勢陵賤貧。聲名自青史。骨肉終黃塵。

連日昏霧感懷

窮山逼窮冬。苦霧作苦寒。舉頭不見日。況乃見長安。朝聽樵鼓微。午聽庭雀譙。占晴復畏雨。有抱那得寬。少日謬學詩。中年癡覓官。擇術不自審。終焉墮艱難。妄營三徑資。輕舍陋巷簞。胡不返故步。無爲事邯鄲。

懷斯遠

前宵雨浪浪。昨夕風浩浩。相逢固歡喜。相去復懷抱。閒窗酒自引。敗筆詩試草。引酒願詩成。詩成醉而倒。夜坐懷子肅子儀

寒燈耿書窗。稿葉鳴竹屋。懷人在咫尺。令我嘆幽獨。難兄如大蘇。令弟優小陸。未容待明光。端合校天祿。如何衫尚青。或乃袍更鵠。又疑致遠大。無事計淹速。不然彼造化。寧忍恣顛覆。如我辱交友。蒙顧等骨肉。三年且過半。良晤可不促。要將倡醅詩。盡用首尾錄。我曾泛荆溪。君亦訪懷玉。它年三人名。定載圖經續。秋夜懷彥博審知

山深月吐遲。亭亭夜向殘。露氣挾與俱。侵窺迫人寒。團扇甫罷去。布衾已覺單。儻無寒暑期。何以彫我顏。人生七十稀。俯仰半已闌。隱顯兩無得。永懷那自安。不能躬灌園。而顧學彈冠。不思行所易。而獨務所難。王徐兩玉人。結髮棲儒冠。徐詩壯城壘。王筆長波瀾。出從舉子遊。隋珠供雀彈。得失何足道。如博資衆觀。念欲與子談。袞袞非一端。符移苦見催。行色不少寬。十年山林靜。一朝塵土干。足雖未出門。歸興已浩然。溪頭楓變赤。籬下菊且斑。客居豈無酒。遲子一跨鞍。

懷徐審知王彥博并徐彥章

爲見山花發。忽思湖柳深。當君散帙坐。著我倚樓吟。別句漫多紙。別觴終欠斟。光陰幾尺璧。書疏闕萬金。病駒匪戀秣。鴻雁歸有心。已後蘭亭集。猶能與竹林。

有懷二首